



Na osnovu člana 2.9 stav (1) tačka 17, a u vezi s članom 10.12 stav (1) i članom 10.16 Izbornog zakona Bosne i Hercegovine ("Službeni glasnik BiH", br. 23/01, 07/02, 09/02, 20/02, 25/02, 04/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08 i 32/10, 18/13, 07/14 i 31/16), Centralna izborna komisija Bosne i Hercegovine je na 16. sjednici, održanoj 11.02.2019. godine, donijela

O D L U K U

o raspodjeli mandata delegatu iz reda ostalih u Dom naroda Parlamenta Federacije Bosne i Hercegovine

Žuljević Aneru, neizabranom kandidatu s kandidatske liste Žuljević Anera, poslanika u Skupštini Hercegovačno-neretvanskog kantona, dodjeljuje se sedmi mandat u Domu naroda Parlamenta Federacije Bosne i Hercegovine iz reda ostalih.

O b r a z l o ž e n j e

Odredbom člana 10.10 Izbornog zakona Bosne i Hercegovine propisano je da kantonalna zakonodavna tijela biraju 58 delegata u Dom naroda Parlamenta Federacije Bosne i Hercegovine, 17 iz reda bošnjačkog, 17 iz reda srpskog, 17 iz reda hrvatskog naroda i sedam iz reda ostalih.

Nakon provedenog prvog kruga izbora delegata u Dom naroda Parlamenta Federacije Bosne i Hercegovine i uvidom u odluke o utvrđivanju rezultata posrednih izbora u prvom krugu izbora delegata iz reda ostalih, Centralna izborna komisija Bosne i Hercegovine je utvrdila da je izabrano ukupno pet (5) delegata iz reda ostalih u Dom naroda Parlamenta Federacije Bosne i Hercegovine od potrebnih sedam (7), te da su dva (2) mjesta ostala nepopunjena.

U skladu s odredbom člana 10.16 stav (2) Izbornog zakona Bosne i Hercegovine, Centralna izborna komisija Bosne i Hercegovine vrši ponovnu raspodjelu mesta koja se ne mogu popuniti iz jednog kantona, odmah po završetku prvog kruga izbora delegata u Dom naroda Parlamenta Federacije Bosne i Hercegovine u svim kantonima.

Nadalje, odredbama člana 10.12 stav (1) Izbornog zakona BiH propisano je da broj delegata iz svakog konstitutivnog naroda i iz reda ostalih, koji se biraju u Dom naroda Parlamenta Federacije BiH iz zakonodavnog tijela svakog kantona je proporcionalan broju stanovnika kantona prema posljednjem popisu.

Prema podacima posljednjeg provedenog Popisa stanovništva u BiH iz 2013. godine, Hercegovačko-neretvanski kanton broji ukupno 222.007 stanovnika od čega je 5.273 stanovnika koji su se izjasnili kao pripadnici grupe ostalih, dok Bosansko-podririnjski kanton- Goražde broji 23.734 od čega 512 stanovnika pripadnika grupi ostalih.

U skladu sa članom 10.12 Izbornog zakona BiH, **najveći sljedeći količnik za određivanje primjenom posljednjeg popisa stanovništva mandata delegatu iz reda ostalih ima Kanton 7 (5.273,00), nakon količnika Kantona 3 (7.340,67).**

Nadalje, preraspodjelom u skladu sa članom 10.16 Izbornog zakona BiH već je dodijeljen jedan (1) mandat predstavniku iz reda ostalih iz Kantona 5. Tatarin Sejadu, iako za ovaj Kanton nije utvrđeno mjesto iz reda ostalih u članu 1. Uputstva o izmjeni i dopunama Uputstva o postupku provedbe posrednih izbora za tijela vlasti u Bosni i Hercegovini obuhvaćenih Izbornim zakonom Bosne i Hercegovine.

Imajući u vidu naprijed navedeno i činjenicu da su ispunjeni svi zakonski uslovi za ponovnu raspodjelu mandata, Centralna izborna komisija Bosne i Hercegovine je, u skladu s članom 2.9 stav (1) tačka 17, a u vezi s članom 10.12 i 10.16 Izbornog zakona Bosne i Hercegovine, odlučila kao u dispozitivu ove odluke.

Ova odluka stupa na snagu danom donošenja i objavit će se 11.02.2019. godine u 17,00 sati na internet-stranici Centralne izborne komisije Bosne i Hercegovine www.izbori.ba, i smarat će se da je danom objavljivanja ista dostavljena svim učesnicima u posrednim izborima.

PRAVNA POUKA: Protiv ove odluke, u skladu s članom 6.9 stav (1) i (2) Izbornog zakona Bosne i Hercegovine, može se podnijeti žalba Apelacionom odjelu Suda Bosne i Hercegovine u roku od dva dana od dana objavljivanja ove odluke.

Žalba se podnosi preko Centralne izborne komisije BiH i dostavlja se putem faks aparata na broj 033/251-329 ili neposredno u sjedište Centralne izborne komisije BiH, Ulica Danijela Ozme broj 7, Sarajevo.

Broj: 06-1-07-1-61/19
Sarajevo, 11.02.2019. godine

Dostaviti:

1. Skupštinama kantona
2. a/a

